

მამსია გორჯი


1516
2017

ქავკასიის აგზევის შესახებ

საქ. კ. ვ. (ბ) ც. კ. პარტბამომცემლობა
1936



პროლეტარებო უფლა ძვეენისა, შეერთდით!



საქ. კ. პ. (ბ) ც. კ-თან არსებული მარქს-ენგელს-ლენინის
ინსტიტუტის ტფილისის ფილიალი

მ ა ქ ს ი მ ბ რ ა კ ი

ქ ა ვ კ ა ს ი ი ს
ა მ ბ ე ბ ი ს შ ე ს ა ხ ე ბ

35627



საქ. კ. პ. (ბ) ც. კ. პარტიამოცემლობა ● 1936

პ/მგ. გამომშვებისათვის ა. მელიხოვი

კორექტორი ს. ბუზარიაშვილი
ტექნიკური რედაქტორი გ. იაშვილი
გამომშვები ვ. გიორგობიანი
გადაეცა წარმოებას 2/VIII—1936
ხელმოწერ. დასაბ. 2/IX—1936

მთავლიტის რწმ. № ბ-8640
პარტგამომცემლობა № 51
შეკვეთა № 371
ტირაჟი 5.000
წიგნის ზომა—5×8

გამოვიდა 1936 წლის 5 სექტემბერს

საქ. კ. პ. (ბ) ც. კ. პარტგამომცემლობის I სტამბა, ლენინის ქ. № 3.

ა. მ. გორჯი მახლობელი და ძვირფასია მთელი საბჭოთა კავშირის მშრომელთათვის. მისი ხსენება საქართველოსა და ამიერ-კავკასიის ხალხებში ძვირფასია კიდევ იმით, რომ თავისი დიდი გზა რევოლუციონერ-მწერლისა ალექსეი მაქსიმეს-ძემ ამიერ-კავკასიიდან დაიწყო.

ალექსეი მაქსიმეს-ძე პეშკოვი პირველად ჩამოვიდა ტფილისს 1891 წელს. აქ იგი რამდენიმე ხანს მუშაობდა რკინისგზის მთავარ სახელოსნოებში. 1892 წელს ტფილისში ალექსეი მაქსიმეს-ძემ დაბეჭდა გაზეთ „კავკაზში“ თავისი პირველი მოთხრობა „მაკარ ჩუდრა“.

მეორედ გორჯი 1898 წელს ესტუმრა ტფილისს, მაგრამ ამხანად არა თავისი სურვილით, არამედ მეფის სატრაპების ბრძანებით. ტფილისის ჟანდარმერიამ ალექსეი მაქსიმეს-ძე გამოიხთოვა ლუზინ-აფანასევის სოციალ-დემოკრატიული ჯგუფის საქმის გამოძიებასთან დაკავშირებით: გორჯი ეტაპით ჩამოიყვანეს ტფილისში და მეტეხის ციხეში მოათავსეს.

ალექსეი მაქსიმეს-ძემ ხელახლად მოიარა ტფილისი და ამიერ-კავკასიის სხვა ქალაქები 1901 წელს, — იგი ჩამოვიდა მწერალ ა. ჩეხოვთან და მხატვარ ვასნეცოვთან ერთად და დაწვრილებით ეცნობოდა ამიერ-კავკა-

საის ხალხთა ყოფა-ცხოვრებას და მუშათა და გლეხთა რევოლუციურ-გაძანთავისუფლებელ მოძრაობას, რომელიც დღითი დღე იზრდებოდა.

საბჭოთა საქართველო და ამიერ-კავკასია ალექსეი მაქსიმეს-ძემ იწინაწინა 1928 წელს. აქ იგი დიდის აღფრთოვანებით აღევნებდა თვალყურს დიდი ოქტომბრის სოციალისტური რევოლუციის მიერ განთავისუფლებულ საქართველოსა და ამიერ-კავკასიის ხალხთა უდიდეს წარმატებებს. ალექსეი მაქსიმეს-ძე სიხარულით აღნიშნავდა ამიერ-კავკასიის ხალხთა ბრწყინვალე გამარჯვებებს ნაციონალურ-კულტურული მშენებლობის ფრონტზე, მათს შემოქმედებითს აღმავლობას და ძმური მეგობრობის განმტკიცებას მათ შორის, რაიც მიღწეული იყო ლენინურ-სტალინური ნაციონალური პოლიტიკის სწორად გატარების საფუძველზე.

ამიერ-კავკასიაში ყოფნამ, ჯერ კიდევ ცარიზმის დროს, ალექსეი მაქსიმეს-ძეზე წარუშლელი შთაბეჭდილება დასტოვა; მას უყვარდა, როგორც თვითონვე აღიარებდა ამას, „ეს მშვენიერი ქვეყანა, სილამაზისა და ძლიერების ეს გრანდიოზული განსახიერება“.

გორკი, რევოლუციის ეს ქარიშხალა, დიდი პროლეტარული მწერალი, რევოლუციური მოქმედებისა და აზრის გაბედული გაქანების ადამიანი, რევოლუციური სოციალ-დემოკრატიის რიგებში ჯერ კიდევ 1905 წლის რევოლუციამდე ჩადგა და დიდი ლენინის მახლობელი მეგობარი იყო. მთელი თავისი დიდი სიცოცხლე ალექსეი მაქსიმეს-ძემ ლენინ-სტალინის საქმეს, — კომუნისმისათვის ბრძოლას შესწირა.

მშრომელთა თავდადებული მეგობარი და რუსეთის-

თვითმპყრობელობის, მემამულეთა და ბურჟუაზიის შეუ-
რიგებელი მტერი, ალექსეი მაქსიმეს-ძე 1905 წლის რე-
ვოლუციაში მეტად აქტიურ მონაწილეობას იღებდა; ის
ავტორი იყო გამამართახებელი და ცეცხლით აღსავსე
ფურცლებისა და პროკლამაციებისა.

როდესაც 1905 წელს მის ყურამდე მიაღწია ცნობამ
ამიერ-კავკასიაში მომხდარ სომეხ-თურქთა ჟლეტის ტრა-
გაკული ამბების შესახებ, ალექსეი მაქსიმეს-ძე უდიდესი
სიძულვილით და გამძაფრებით გამოეხმაურა ამ ამბებს.

ამიერ-კავკასიის პროლეტარიატი და მშრომელი გლე-
ხობა რუსეთის მოძმე პროლეტარიატთან კავშირში გა-
აფთრებულ ბრძოლას აწარმოებდნენ ნაციონალურ-კო-
ლონიალური ჩაგვრის წინააღმდეგ და მემამულურ-ბურ-
ჟუაზიული წესწყობილების სრული განადგურებისათვის.
ამიერ-კავკასიის ხალხთა რევოლუციური ბრძოლა ბოლ-
შევიკებისა და დიდი სტალინის ხელმძღვანელობით სწარ-
მოებდა.

„ამიერ-კავკასიის ბოლშევიკები ამხ. სტალინის ხელმ-
ძღვანელობით, შეიარაღებულნი რევოლუციის ლენინური
სტრატეგიითა და ტაქტიკით, — წარმოადგენდნენ ერთად-
ერთ რევოლუციურ ორგანიზაციას, რომელიც სათავეში
უდგა მუშათა და გლეხთა ბრძოლას რევოლუციის საბო-
ლოო გამარჯვებამდე მისაყვანად, თვითმპყრობელობის
დასამხობად და პროლეტარიატის და გლეხობის დემოკ-
რატიული დიქტატურის დასამყარებლად“. (ლ. ბე-
რია).

გამხეცებულმა თვითმპყრობელობამ ამიერ-კავკასიის
მშრომელი მასების რევოლუციურ შეტევას საზიზღარი
ბოროტმოქმედებით უპასუხა: 1905 წლის თებერვალში,

ქ. ბაქოში, მან პროვოკაციულად გამოიწვია სომეხ-თურქთა უღელტა. ამ წელს თვითმპყრობელობამ ხოცვა-უღელტა და პოგრომები მოაწყო: ნახიჩევანში, შუშაში, ტფილისში, ელისავეტპოლში, კვლავ ბაქოში და სხვა ადგილებში; — „ცხოვრების ბატონ-პატრონთა“ ბოროტი ნების წყალობით ამიერ-კავკასიის მშრომელთა სისხლი მთელი 1905 წლის განმავლობაში იღვრებოდა.

თვითმპყრობელობის ეს საზიზღარი ტაქტიკა რევოლუციას დიდ ზიანს აყენებდა. მაგრამ, მიუხედავად ამისა, “1905 წელს ამიერ-კავკასიაში ფართო გაქანება მიიღო მუშათა და გლეხთა რევოლუციურმა ბრძოლამ თვითმპყრობელობის წინააღმდეგ” (ლ. ბერია). თვითმპყრობელობის მიერ ამიერ-კავკასიაში წარმოებული ამ გათახსირებული ნაციონალური პოლიტიკის წინააღმდეგ გამძაფრებული წერილით გამოვიდა ა. მ. გორკი. ეს წერილი, რომელიც დაწერილი იყო გაზ. „კასპიის“ რედაქციის შეკითხვის საპასუხოდ, აკრძალულა იყო რუსეთში დასაბეჭდად და იგი ცალკე ბროშურად გამოვიდა 1905 წელს ჟენევაში.

ამ წერილმა სილა გააწნა თვითმპყრობელობის მხეცურ დინგს. მან გამოააშკარავა თვითმპყრობელობის ნაციონალურ-პროვოკატორული პოლიტიკის მთელი სისადაგლე.

ამ წერილში ალექსეი მაქსიმეს-ძე სწერდა:

„დაუსჯელობით გათახსირებულ ადამიანთათვის დამახასიათებელი ცინიზმით, იმ პირუტყვის მკაცრი გულახდილობით, რომელიც გრძნობს თავის ძალას, ისინი ყოველგვარ ღონისძიებას მიმართავენ, რომ ჩაეკლათ ხალხის შემოქმედებითი სული. მაგრამ ისინი, ეს საცო-

დავი ადამიანები, რომელნიც თავისთავს მთელი ჩვენი ქვეყნის ცხოვრების ბატონპატრონად სთვლიან — უვიცნი და გონებაჩლუნგნი არიან; მათ არ ესმით, რომ ხალხის გადაქცევა ბრმა, მექანიკურ ძალად შეუძლებელია ისევე, როგორც შეუძლებელია გადავამუშაოთ თიხის გროვად კავკასიის კლდოვანი მთები“.

ალექსეი მაქსიმეს-ძეს უსაზღვროდ სწამდა ექსპლოატაციაზე და ჩაგვრაზე დამყარებული წესყობილების დამხობის მოახლოვება. წერილში იგი მოუწოდებდა მშრომელთ ინტერნაციონალური შედეულებისა და გადამწყვეტი ბრძოლისაკენ „ამ ბოროტი და უაზრო ძალის წინააღმდეგ, რომელიც ერთნაირის სიმძიმით გვსრესავს ჩვენ“.

ამ წერილს მეტად აქტუალური მნიშვნელობა აქვს ჩვენი დროისათვისაც და იგი დიდი ღირებულების მქონე პოლიტიკური დოკუმენტია. იგი მძიმე წარსულს გვაგონებს და ამით ხაზს უსვამს იმ საამურ და ბედნიერ აწმყოს, რომელიც მოპოვებულია ბრძოლით საბჭოთა კავშირის მრავალეროვნული პროლეტარიატისა და მშრომელი გლეხობის მიერ ლენინ-სტალინის პარტიის ხელმძღვანელობით.

საგ. კ. პ. (ბ) ც. კ-თან არსებული მარქს-ენგელს-ლენინის ინსტიტუტის ტფილისის ფილიალი

Prix 20 cent.

MAXIME GORKI.

Sur les événements au Caucase.

МАКСИМЪ ГОРЬКІЙ

**О КАВКАЗСКИХЪ
СОБЫТІЯХЪ**

(Печатано съ рукописи)

ИЗДАНИЕ «Demos»



ЖЕНЕВА.

Imprimerie Zöllner, Square du Stand,

1905.

1905 წ. ჟენევაში გამოცემული მ. გორკის ბროშურის ყდა.

კავკასიის აგებვის შესახებ

პატივცემულო ამხანაგო!*

თქვენ მეკითხებით — რას ვფიქრობ მე კავკასიაში ამჟამად მომხდარ ამბებზე?

სირცხვილითა და გულის ტკივილით ვკითხულობ და ვისმენ იმას, რაც თქვენში ხდება. მე ისე მსურვალედ მიყვარს ეგ მშვენიერი ქვეყანა, — სილამაზისა და ძლიერების ეს გრანდიოზული განსახიერება, — მისი თოვლით დაფიფქული მთები, — სწრაფი, მოჩუხჩუხე მდინარეთა მხიარული ხმაურით აღსავსე მინდვრები და ხეობები, — მისი ლამაზი, ამაყი წვილები.

კავკასიაში ყოფნის დროს ყველგან ვხედავდი, როგორი შეხმატკბილებით და მშვიდობიანად მუშაობდნენ მხარდამხარ ქართველი, თათარი და სომეხი, რა ბავშვური ხალისით და უბრალოებით ოხუნჯობდნენ და იცინოდნენ ისინი, და მეტად ძნელი დასაჯერებელია, რომ ეს უბრალო, ჩინებული ადამიანები, დამორჩილებიან რა მათს წამქეზებელ ბოროტსა და ბნელ ძალას, უგუნურად და უაზროდ ჟლეტენ დღეს ერთმანეთს.

მე სიმკაცრე ისე არ მტანჯავს, როგორც უმეცრება იმ ადამიანებისა, რომელთაც არ ესმით, რომ მათს ბნელ ვნებებს ამოძრავებს გარეშე ბოროტი ძალა. მე არა მგო-

* ეს წერილი მაქსიმ გორკიმ დასწერა ბაქოს გაზეთ „კასპიის“ რედაქტორის შეკითხვის საპასუხოდ. რუსეთში ის აკრძალული იყო ცენზურის მიერ. გამომც. „Demos“-ის შენიშვნა.

ნია, რომ მთელი ჩვენი ქვეყნისათვის ერთნაირად სამარ-
ცხვინო სისხლიანი ტრაგედიები ბაქოში და ერევანში გა-
ნირჩეოდნენ თავისი მოტივებით ასეთსავე ტრაგედიებისა-
გან კიზინოვსა და ვარშავაში, ჟიტომირსა და ლოდში.
ნახიჩევანში, კურსკში, რიგაში და ივანო-ვოზნესენსკში
— ყველგან გამოსჩანს საზიზღარი მუშაობა ერთი მუ-
ჭა ადამიანებისა, რომელნიც შეშლილობის კარზე არიან
მისული სახელმწიფოში ძალაუფლების დაკარგვის ში-
შით, — ადამიანებისა, რომელნიც ცდილობენ სისხლის-
ღვრით ჩააქრონ ხალხის შეგნების ის ცეცხლი, რომ მას
აქვს უფლება იყოს მშენებელი ცხოვრების ახალი ფორ-
მებისა.

ეს ადამიანები მიეჩვივნენ ხელისუფლებას, ისინი ისე
კარგად ცხოვრობდნენ, როდესაც შეეძლოთ თავის ნა-
მოქმედარის შესახებ არავისათვის ანგარიში არ ჩაებარე-
ბინათ და ყოფილიყვნენ გამგებელნი ჩვენი ქვეყნის ბედ-
იღბლისა და სიმდიდრეთა, ხალხის ძალღონისა და სისხ-
ლისა; ისინი რუსეთს საკუთარ მამულად სთვლიდნენ,
უფლებაყრილი ხალხი მათ ძალმომრეობით ჰყავდათ
ჩაფლული უმეცრებასა და ტალახში, რათა დაეძაბუნები-
ნათ ხალხის სული, არ მიეცათ ვზა მისი ენერგიის ზრდი-
სათვის, გაეხადათ იგი ბრმა და მუნჯ მონად, რომელიც
მორჩილი იქნებოდა მათი ნება-სურვილისა.

დაუსჯელობით გათახსირებულ ადამიანთათვის
დამახასიათებელი ცინიზმით, იმ პირუტყვის მკაცრი
გულახდილობით, რომელიც გრძნობს თავის ძალას, ისინი
ყოველგვარ ღონისძიებას მიმართავდნენ, რომ ჩაეკლათ
ხალხის შემოქმედებითი სული. მაგრამ ისინი, ეს საცო-
დავი ადამიანები, რომელნიც თავის თავს მთელი ჩვენი

ქვეყნის ცხოვრების ბატონპატრონად სთვლიან — უვიც-
ნი და გონებაჩლუნვნი არიან; მათ არ ესმით რომ ხალ-
ხის გადაქცევა ბრმა, მექანიკურ ძალად შეუძლებელია
ისევე, როგორც შეუძლებელია გადავამუშაოთ თიხის
გროვად კავკასიის კლდოვანი მთები.

ამ ადამიანთა მიერ უაზრო და უწყალო ჩაგვრამ ვერ
ჩააქრო ჩვენს ქვეყანაში გაბედული და თავისუფალი აზ-
რის ცეცხლი — იგი ჩაღდება უფრო და უფრო, ბრმებიც
კი ხედავენ ახლა მის განრისხებულ პრიალს, იგი მოუ-
ლოდნელად ენთება ყველგან და ისწრაფის გადაიქცეს
ერთ ძლიერ სასიხარულო ალად, ყველა გონიერ და პატი-
ოსან ადამიანთა ქარიშხლისებურ პროტესტად იმ ძალ-
მომრეობის წინააღმდეგ, რომელსაც მიმართავს მათ წი-
ნააღმდეგ უნიჭო და უნიადაგო პარაზიტების ხროვა, გა-
მოკვებილი მშობლიური მიწის საუკეთესო წვენიით...

პარაზიტები გრძნობენ, რომ იწყება მათი აგონია და
ახლოვდება მათი აღსასრულის უამი, მაგრამ მათ სიცოც-
ხლე უნდათ და იბრძვიან შეძლებისამებრ ხალხის ნება-
სურვილის წინააღმდეგ, იბრძვიან უსინდისოდ, მხდალად
და სამარცხვინოდ. ცხოვრების ფსკერიდან მათ ამოატივ-
ტივეს ყოველივე ბნელი და ბნძური, ყველაფერი, რაც
დასახიჩრებულია მათი ჩაგვრით ადამიანური სახის და-
კარგვამდე. ყველა ანგარებიანი, გამყიდველი, საზიზღარი;
და ამ მტაცებელთა და პირუტყვთა გონებაჩლუნგ მასას
ისინი უსევენ ქვეყნის საუკეთესო ადამიანებს, რომ გას-
რისონ ისინი და კიდევ ერთი წლით შეინარჩუნონ ხელი-
სუფლება თავიანთ უძღურ ხელში.

ისინი აშკარად უსევენ, როგორც ძაღლებს, რუსებს
ებრაელებზე, პოლონელებზე და ფინებზე, თათრებს

სომხებზე და ქართველებზე, შიმშილისაგან გონება დაი-
ლუხგებულსა და დაბეჩავებულ გლახს სტუდენტებზე და
ბავშვებზედაც კი!

და შეიძლება ასეც მოხდეს — თუ ხვალ თათრები მო-
ითხოვენ თვითგამორკვევის ადამიანურ უფლებას — მათს
წინააღმდეგ გაგზავნიან ყირგიზებსა და შორდვას, რომ
გასწყვიტონ ისინი სხვისი ხელებით... და ყველგან ერთი-
და იგივე ხდება. პარაზიტების ბოროტი ძალა ჩვენს ქვე-
ყანაში თავისი მდგომარეობის დასაცავად მოუხმობს ყვე-
ლაზე უფრო ველურ, ყველაზე უგუნურ ადამიანებს იმათ
წინააღმდეგ, ვისაც გულწრფელად და უანგაროდ სწადიან
სიკეთე და თავისუფლება თავის სამშობლოსა და თავისი
ხალხისათვის.

კაცობრიობის ისტორიის მთელ მანძილზე გაბატონე-
ბულ კლასს არც ერთ ქვეყანაში ისე სამარცხვინოდ, ისე
უტიფრად და ცინიკურის სიმკაცრით არ უწარმოებია
ბრძოლა ხალხზე თავისი ძალაუფლების შენარჩუნებისათ-
ვის, როგორც ეს ხდება ჩვენს ქვეყანაში, ჩვენს სისხლიან
დღეებში.

რა საზიზღარი და საცოდავი უძღურება გამოსჭვივის
ამ ადამიანებში, რომელნიც დამთვრალან დაღვრილი სის-
ხლით და თავისი აღსასრულის წინათგრძნობით!

რაოდენ ზიზღს უნდა იწვევდეს ჩვენი ქვეყანა ევრო-
პელებში იმის წყალობით, რომ ისინი, ვინც ჩვენ გვბრძა-
ნებლობენ, სიცოცხლისაკენ მოუწოდებენ მხოლოდ პი-
რუტყვულს, უხეშს და მხეცურს, და მით ცდილობენ ლა-
ხვარი ჩასცენ ყოველივეს — ჭეშმარიტად შეგმოქმედებითს,
პატიოსანსა და ადამიანურს!

ის დღეები, რომელთაც განვიცდით ჩვენ, მთელი ჩვე-

ნი ქვეყნის სულიერი განახლების წინააღმდეგობა, მაგრამ ის ბრძოლა, რომელიც სწარმოებს რუსეთში სინათლისა და ახალი ცხოვრებისადმი სწრაფვის წინააღმდეგ — ეს ბრძოლა ჩაიწერება ისტორიაში, როგორც ერთერთი უსაზიზღრესი ნამოქმედარი კაცობრიობის არსებობის მთელ მანძილზე.

შეუძლებელია ეს ბრძოლა დიდხანს გაგრძელდეს, რადგან ხელისუფლება რყვნის ადამიანს. ისინი, ვისაც დღეს ხელთუპყრიათ დაუსჯელათ ძარცვისა და უღეტის ძალაუფლება, მალე არ დასთმობენ მას. ხელი, რომელმაც გუშინ თავი გაუჭეჭყა სომეხს ან ებრაელს იმისათვის, რომ მან რუსზე და თათარზე უფრო ადრე თავისუფალ ადამიანად შეიგრძნო თავი, — ვის შეუძლია სთქვას, ხვალ ვის გაუჭეჭყავს თავს ეს ხელი?

მისი ბრმა მოქნევა და დარტყმა ადვილი შესაჩერებელია. საჭიროა მხოლოდ, რომ კავკასიისა და ფინეთის, პოლონეთისა და რუსეთის ყველა საუკეთესო, ყველა პატრიოსანი ადამიანი გაერთიანდენ მეგობარ-მებრძოლთა მთლიან ოჯახად, პატრიოსანთა და უშიშართა რაზმად, — გაერთიანდენ და ჰკითხონ ერთმანეთს:

— ვინ არის ჩვენი მტერი?

პასუხის პოვნა ადვილია.

ყველას, — თათარს, რუსს, სომეხს და ებრაელს, პოლონელს, ფინს, — ყველას ერთი სურვილი აქვს: იცხოვროს უკეთესად, ვიდრე ის ცხოვრობს. და ყველა ერთნაირად მოკლებულია თავისუფლებას, მოკლებულია უფლებას იცხოვროს თავისი ტომობრივი, სარწმუნოებრივი და ყოფა-ცხოვრებითი პირობების მიხედვით.

უწინარეს ყოვლისა რაა აუცილებელი ადამიანისა და ხალხის ზრდისათვის?

თავისი პირადი და საზოგადოებრივი ზრახვების თავისუფლად გამორკვევის უფლება, ერთად ცხოვრების ისეთ ფორმათა თავისუფლად შენების უფლება, რომელსაც უფრო ხალვათი იქნებოდა თავისი სულისა და თავისი ტომის სულის ასამაღლებლად.

მაშ, განა სომეხი და ქართველი ართმევს თათარს ამ თავისუფლებას? განა რუსი, ებრაელი და პოლონელი შებოჭილი არ არიან იმავე ძალის მიერ, რომელიც ერთნაირის სიმძიმით აწვება თათრის მხრებსაც?

და ჩვენ ყველას — ერთი მტერი გვყავს. ყველა, ვისი გონებაც ნათელია, ვისი ნებისყოფა არ ემორჩილება დამონებას, უნდა გაერთიანდნენ მთლიან ოჯახად იმ ბოროტი და უაზრო ძალის წინააღმდეგ საბრძოლველად, რომელიც ერთნაირის სიმძიმით გვსრესავს ჩვენ.

ყველას ერთი მტერი გვყავს.

მაშ დეე იყოს ჩვენს შორის თანასწორობა და ძმობა, დეე გაგვანათლოს ყველა გონების სხივმა, გავერთიანდეთ ერთს დიდ, დაუძლეველ ნებისყოფად და მაშინ —

გაუმარჯოს თავისუფლებას!

მამსიმ ბოჩკი.

ფასი 50 კპპ.

32
2 721

М. Горький

О кавказских событиях

Партиздат ЦК КП (б) Грузии
Тбилиси 1936